

Ыджыд тышлөн йөлөга

1941-өд воөдз миян йөзлөн олөмыс волі зэв бурөн. Найө олісны асланыс уджөн: сиктса йөз вөдитісны градйөр, кыйсисны вөр-ваын, ноксисны горт гөгөрыс, кыпөдісны өтувьа овмөснысө. А карса йөз уджалісны заводъяс вылын да фабрикаяс вылын.

Но лөддза-номъя төлысся 22-өд лунө нель час асылын нем виччысытөг воис юөр, мый пансис ыджыд тыш фашистскөй Германиякөд. Ставныс усисны шөгө, өд быдөн гөгөрвоис, мый бур олөмлы воис пом.

Тайө кадсянныс быдлаын зэв гораа кутісны шутъявны пуляяс, миянлысь мунымөс кутісны таявны фашистыяслөн танкъяс, енэжын кутісны лэбавны самолётъяс да бомбитны ставсө, мый аддзисны...

Тыш вылө мунісны быдөн: и мужичейяс, и нывбабаяс, и челядь, и олөмаджыкъяс. Колө вөлі кыз позьө өдйөджык бырөдны фашистысь ас чужан мунымөс. Быд миян муын олысьлөн морөс выланыс пуксис курыд шог да ыджыд төждлун. А тыш быд лун вөчис ассыс лёк уджсө. Зэв уна салдат да тылын уджалысь пуктіс юрсө ас му дорйөм понда, Победа дорөм вөсна... Быдлаын кутіс кывны бөрдөм шы, олөмыс йөзыслөн лоис шогмытөм. Быдса нель во чөж кыссис тайө пеж тышыс.

Но век жө ми ставным вермим вөрөгөс. Ода – кора төлысся 9 – өд лунө миян муө локтіс Вермөм, дыр виччысяна Вермөм. Став йөзыс петісны ывла вылө, медым чолөмавны өта - мөднысө Ыджыд Вермөм шедөдөмын. И тайө збыль вылө вөлі ставныслөн Вермөмыс: и тылын уджалысьяслөн, и фронт вылын тышкасысьяслөн, и челядьлөн, и пөрысь йөзлөн. Öд сөмын өтвылысь ми вермим вөрөгөс. И век тадзи и лоас водзө.

И ми, быдмысь войтыр, кутам век казътывлыны тайө шог кадсө. Öд пока ми төд вылын мөдам кутны ставсө тайөс, миян му вылын татшөм вир кисьтана тышыс оз ло. Муөдз копыр налы, кодъяс шедөдісны тайө Ыджыд Вермөмсө миянлы! Ми тіянөс некор ог вунөдөй!

